

# KELAB KEBAJIKAN & SOSIAL SPE BERI SUMBANGAN KEPADA MANGSA KEBAKARAN KG. AIR TANJUNG ARU, KOTA KINABALU



Sensitif dengan musibah kebakaran yang menimpa penduduk-penduduk Kg. Air Tanjung Aru baru-baru ini, Kelab Kebajikan & Sosial Sekolah Perniagaan & Ekonomi yang diketuai oleh Pengerusinya En. Jainurin Justine telah mengambil satu inisiatif melakukan pungutan derma serta sumbangan bagi membantu mangsa-mangsa kebakaran tersebut. Kejadian yang berlaku pada 26 Sept 2007 telah memusnahkan hampir keseluruhan kampung air tersebut yang telah bertapak di situ sejak sekian lama. Penduduk-penduduk tersebut sekitar 250 orang yang kebanyakkan terdiri dari nelayan tinggal sehelai sepinggang ekoran kejadian tersebut. Sumbangan kewangan dan derma pakaian telah disampaikan oleh En. Jainurin Justine bersama-sama AJK Kelab sebagai mewakili Dekan, Prof. Madya Dr. Hj. Kasim Hj. Md. Mansur. Upacara penerimaan penyerahan sumbangan telah berlangsung di Masjid Negeri yang diterima oleh wakil JK Sumbangan Kebakaran bagi pihak mangsa-mangsa kebakaran tersebut. Dalam ucapan balasnya, beliau mengucapkan terima kasih atas sumbangan yang diberikan kepada mangsa lebih-lebih lagi menjelang sambutan Aidilfitri yang bakal menjelang tidak lama lagi, ujar beliau.